

Erich Bolinius
www.erichbolinius.de
Erich.Bolinus@t-online.de

Bericht über den BSV Kickers Emden - Sendung „Flutlicht“ auf Radio Ostfriesland
Donnerstag, 22.11.2012 18.05 Uhr auf 94.0 bzw. 87,7

Moin, leev Toehörers,
weten Ji noch, wat ik lesd Dönnerdag hier up de Wellen van Radio Oostfreesland toe dat Spöl van Kickers Emden tegen Bad Rothenfelde seggt hebb. Ik löv neet, wall dat mit de Sendung lesd Week neet so klappt hett, as anners.

Dat hebb ik hier lesd Week seggt:

„Sönndag geiht dat nu na Bad Rothenfelde. De stahn upstünns up de 2. Tabellenplatz. Man dat seggt neet völ. Wenn Kickers Emden weer so spölt, as in eenige Spölen vör dat Spöl tegen RW Damme, dann kann de Mannskupp ok in Rothenfelde bestahn. Dat seggen ok de Kickers-Fans in de Fan-Forum. Neet bang maken laten, seggt Edelfan „Kurrat“ ut Dortmund. Un „Pöhli“ is mit ´n 2:2 toefree. Man eenige menen, dat dor nix toe haalen is. Ik meen, bang maken deit un dürt neet gellen. In Foetball is al mögelk – un dorum löv ik an de jung Kickersmannskupp ok in Bad Rothenfelde. Dat was lesd Dönnerdag.“

Un ik hebb – nettso as eenige anner Fans – recht behollen. Kickers hett 3:3 spölt un een Punkt haalt.

Rothenfelde funn goed an un skoot dör **Malte Becker** al in de twalfte Menüte dat eerst Tor. De Achtermannskupp van Kickers Emden dee do slapen. De sülvice un best Spöler, de Kickers Emden neet in d` Greep kreg, skoot ok na de Pausentee de beid anner Toren för Rothenfelde in de 46. und 62. Menüte. Kickers kunn in de 61. Menüte dör **Tido Steffens** wall dat eerst Tor sketen, man – as al seggt – een Menüte later laggen de Rothenfelders al weer mit twee Toren in Föhren. Man Kickers leet sük neet unnerkriegen un kwammen in 78. Menüte dör **Manuel Menzel** toe dat tweed Tor. In de 86. Menüte skien dat Spöl för Kickers Emden lopen wesen. **Bernd Grotlüschen** sach wegen Foulspöl de geel-rood Kaart. Man de Emder Jungs wehrten sük tegen sük dat oftekende verlorene Spöl. Un as **Denis Alexandrenko** de Utglik in de 90. Menüte skoot, laggen sük maal weer al Oostfreesen in de Arms.

Kickers Trainer Yasin Turan meente na dat Spöl, dat man, wenn man dree Toren buten sketen dee, dat Spöl ansük harr winnen musst. Mit de Achtermannskupp was he heel un dall neet toefree. Dor will he in de komende Weken ansetten. Dor kann man blot völ Glück wünsken.

Mörgen spölt Kickers Emden in de Oostfreesland-Stadion tegen Eintracht Nordhorn. De Fan **Lucky** schrifft in de Fan-Forum van Kickers, dat de unfairste Mannskupp tegen de tweedunfairste Mannskupp in de Landesliga spölen deit. Dat stimmt, dat hebb ´k ok neet wusst. Kickers Emden hett 43 geel, 2 geelrood un 2 rood Kaarten bither kregen, dat sünd 59 Punkten. Nordhorn noch mehr: 61 geel un 5 geelrood Kaarten, dat sünd 76 Punkten.

Man ik holl van sükse Statistiken neet völ. Hopen wi, dat mörgen dat al fair toe geiht un Kickers Emden winnt. Ik tipp up ´n 3:1.

Nu mutt ik aber noch wat van de **C-Junioren** van Kickers Emden vertellen. Des hebben dat Halvfinaal in de Bezirkspokal skafft. Na de regulär Spöltied stunn dat Spöl tegen de VFL Oldenbörg 2:2. Man de Jungs van Kickers harren in ´t Elfmetersketen de betere Nerven un wunnen mit 5:3. Dat hett bither keen oostfreeske Mannskupp klaar kregen. Un Trainer Norbert Beck dürt toe recht stolt up sien Jungs wesen, un dat wassen

Julien Schreitling; Alexander Bartels; Klaus Poppen; Jerome Waldecker; Sandro Poppenga, Tim Saathoff, Lars Lautenbach, Tido Janssen, Marcel Bergmann; Jannis

Langheim; Jan-Ole Meyer; Levin Berisha; Timo Wulzen; Jacek Bednarek; Marek Hinrichs; Niklas Schmidchen; Eugen Keller; Julien Reinhard.

Ik graleer van disse Stee heel hartelk un drück beid Dumen för dat komende Pokalspöl.

So, nu noch maal de kört Foetballwitz, de ik lesd Week al vertellt hebb, aber anskienend keen een mitkregen hett..

Foetballspöl Holland : Düütskland lesd Week in de Kiekkast. Berthold sitt heel gemütlich in sien Sessel un seggt: „Dat is ja keen schlecht Spöl, aber de Toren fehlen!“ Doruphen kickt sien Frau kört up dat Fernsehbild un skellt: „Büst du blind? Dor stahn doch twee.“

Leev Toehörers van Radio Oostfreesland,
dat was dat weer maal för disse Week.

Ik hoop, Joe hett dat Plattdüütsk gefallen, denn mien Motto heet ja alltied,
plattdüütsk dürt - nettso as Kickers Emden – neet unnergahn.

Bit anner Maal

Joe

Erich Bolinius

ut Emden-Petjem (Petkum).